

VI.

Translatio Corporis Sanctæ Euphemie.

(Ex Codice Membr. sæc. XIII vel XIV in Archivio Capituli Rubini).

Temporibus *Decij* ¹⁾ cesaris imperatoris quibus innumera Xpianorum (Christianorum) multitudo circumquaque in universo orbe ad celestem patriam per diversa tormenta curebat . fuit quedam sanctissima mulier Eufemia nomine natione romana . que ex ipsius passionis istoria declaratur . cum annorum quindecim passa multa corporis supplicia . et sic defuncto ejus corpore . anima est celestis sedibus collocata . Hoc igitur integerimum deo amabile corpus . a quadam religiosissima . in archa saxea quam dudum fabricare ceperat . honorifice condidit . Sed incertum est utrum cogente pestifera persecutione acolarum desidia . permultorum temporum spacio archa predicta cum venerando corpore . nec templi lumine extitit premunita . nec debiti honoris obsequio permulgata . sed quodam imani saxo superposita . et ex diviso modo exterioris saxi ardua superficies corporeis aspectibus apparebat . Illud inventi lapidis ornamentum . quod interius corruscabat . interioribus hominum lumilibus patefcebat . Quod profecto . fieri nemo sapientium aliter arbitrari potest . nisi quia illius civitatis incole . sive pro perfecte dei ignorantia . sive proborum actionum penuria . circa recta divinaque lucis studia torpentes . hoc tanto lumine decorari nullatenus merebantur . Erat quippe illis egrotantibus fons proximus sospitatis . Sed medicine poculum querere nesciebant in ipsa preclari gurgitis unda . Avolutis tandem . ut diximus . annorum curriculis . quibus religionis illius cecitatis ad expetendum celestis medicaminis solatium non meruit excitari . Disposuit omnipotens deus lucernam . que diutius sub modio tenebroso tenebatur more inexplicabilis potentie sue humanis aspectibus reserare . ut sibi qui in sanctis suis semper est gloriosus in terris a mortalium linguis honoris laudes excrescerent . cui in celis

¹⁾ Quel *Decij* è scritto in carattere diverso con inchiostro più nero sopra una visibile raschiatura. Doveva essere *Dani Diani*, cioè *Diocletiani*.